

INUIT ATAQATIGIIT INATSISARTUNI



13.08.2025

Inatsisartut Suleriaasianni § 37, imm. 1 naapertorlugu apeqquutit tulluuttut Naalakkersuisunut saqqummiuppakka.

Naalakkersuisunut apeqquutit:

- 1. Illoqarfik Gaza FN naapertorlugu Palæstinamiunit 1 millioninit najugaqarfigineqartup tigunissaa kissaatigalugu Israelimiut nalunaarput. Aalajangerneq nunami namminermit nunarsuarmiunillu isornartorsiorneqarpoq. Israelimiut naalakkersuisuisa illoqarfimmik Gazamik tigusinissamik aalajangernerat danskit naalakkersuisuinit isumaqatigineqannginneqannginneranik oqaaseqarnissaq pillugu Naalakkerusisut danskit naalakkersuisuinut qinnuteqalersaarpat?**
- 2. Naalakkersuisut erseqqissumik Gazami inuiannik toqoraanermik ingerlasumik isumaqatiginninnginnermik avammut nalunaaruteqalersaarpat?**
- 3. Palæstinamiut naalagaaffiannik pilersitsinissaq, nunarsuarmi naalakkersuinikkut siuttut amerlasuut taperserlugu nalunaaruteqarfigisaat, Naalakkersuisut tapersilersaarpat?**

(Inatsisartunut ilaasortaq Pipaluk Lynge, Inuit Ataqatigiit)

Tunngavilersuut:

Israelimiut naalakkersuisuisa Gazami innuttaasunik sakkortuumik siunnerfilimmillu saassussinerat, Inuit Ataqatigiit sakkortunerpaamik akerlilerpaat. Pisumi alianartumi illuutit 92 procentiisa qartillugit aserorneqarnerannik, meeqqallu tallimat inorlugit ukiullit 12.000-it naammattumik nerisassaqannginnerannik kinguneqarpoq. Ajornartorsiut ilaatigut sorsuunnersuit aappaata kingorna nunat tamat akornanni aalajangernikkut ilaatigut pilersinneqarpoq, tamannalu kingorna eqqissiviilliornernik toqumillu Israelimiunut Palæstinamiunullu kinguneqarpoq. Palæstinamiullu innuttaasa sakkortuginartumik eqqorneqarnerat assortorneqarsinnaanngilaq.

INUIT ATAQATIGIIT INATSIARTUNI



Israelimiut naalakkersuisuisa Palæstinami sorsunnerisa piaartumik unitsinneqarnissaanik Naalakkersuisut oqariartortariaqartut, Naalakkersuisullu Palæstinamiut naalagaaffiannik pilersitsinissaq tapersertariaqaraat, Inuit Ataqatigiit isumaqarput. Kalaallit Nunaata allat toqorarneqarlutillu aserorterivigineqarnissaat kissaatigisimanngisaannarpaa. Taamaammallu inuiaat Kalaallit sinnerlugit Naalakkersuisut iliuuseqarlutik allat uagullu siunissatsinni eqqissinermik kiffaanngissuseqarnermillu kissaateqarnermik erseqqissumik nalunaartariaqarnerat pisariaqartutut isigaara.